

ოკუპირებული ტერიტორიების გამყოფ ხაზთან მდებარე სოფელ დვანს დღეიდან ბუნებრივი აირი მიეწოდება

26 დეკემბერი 2014

ენერგეტიკის მინისტრმა და ენერგეტიკული კომპანიების წარმომადგენლებმა სოფლის ცენტრში ჩირალდანი ანთეს, რის შემდეგაც გაეროს განვითარების პროგრამისა და გაეროს ლტოლვილთა უმაღლესი კომისარიატის ერთობლივი პროექტის ფარგლებში რეაბილიტირებული საბავშვო ბაღი დაათვალიერეს და გაზქურა ანთეს. სოფელი დვანი ოკუპირებული ტერიტორიების გამყოფ ხაზთან მდებარე სოფლების გაზიფიცირების სახელმწიფო პროექტის ფარგლებში გაზიფიცირდა. სოფლის სრული გაზიფიცირებისთვის მოენყო 10 მეტრის დაბალი წნევის გაზსადენი, თითოეულ ოჯახში დამონტაჟდა ბუნებრივი აირის აღრიცხვის კვანძი, რის შემდეგაც დვანში მცხოვრები 380 დევნილი ოჯახი ბუნებრივ აირს მოიხმარს. პროექტის ფარგლებში ქარელის მუნიციპალიტეტში გაზიფიცირების სამუშაოები მიმდინარეობს ოკუპირებული ტერიტორიების გამყოფ ხაზთან მდებარე 10 სოფელში: ფცა, ქვემო შაქმაქეთი, ავლევი, კნოლები, ცერონისი, ჭვირნისი, კოდა, გულიკანთ უბანი, ატოცი და აბანო. სულ გაზიფიცირდება 1 802 კომლი, სამუშაოებზე დაიხარჯება 2 მლნ 300 ათას ლარზე მეტი. საქართველოს მასშტაბით ოკუპირებული ტერიტორიების გამყოფი ხაზის მიმდებარე სოფლების გაზიფიცირების სახელმწიფო პროექტი 2014 წელს დაიწყო. პროექტის განსახორციელებლად სახელმწიფო ბიუჯეტიდან 19 მლნ ლარი გამოიყო. გაზიფიცირების სამუშაოები ტარდება გორის, კასპის, ქარელის, ხაშურის და ზუგდიდის მუნიციპალიტეტების 58 სოფელში, სოფლების სრული გაზიფიცირებისათვის საჭირო სამუშაოები დასასრულს უახლოვდება და 58 სოფლის 13, 000 ოჯახი ბუნებრივ აირს მიიღებს. სოფლების მოსახლეობას სახლებში ბუნებრივ აირს უფასოდ მიუყვანენ. გაზიფიცირების სამუშაოებს საქართველოს გაზისა და ტრანსპორტირების კომპანია კონტრაქტორ კომპანიებთან ახორციელებს.